

天下郡國利病書卷一百一十二

崑山顧炎武寧海人撰  
成都龍萬育變堂訂



瓊州府

沿海衝要

府城北十里曰白沙港宋設水軍趙汝珞拒元兵於此  
明隆慶初始設白沙砦兵船防守與海口唇齒相通  
凡大舟商船皆住泊焉此瓊治之咽喉也

東六十里曰舖前港深虛可容商船凡倭寇賊船常從  
此入即李茂灣黨住泊為患處勢與白沙相倚是瓊治  
之胸項也

舖前東去二十里至文昌白峙澳四十里至木蘭澳五

卷一百一十二 廣東六

十里至急水門八十里至抱虎灣一百里至抱陵港不  
數里至銅鼓角一帶去來常有賊舟灣泊登岸取水乘  
間暴掠至於清瀾一港海門寬濶水道逶迤內達文昌  
縣治外通大海七洲洋賊船倭寇順風南抵此其先據  
蓋瓊郡之肘腋最宜加關防者也

清瀾南去六十里至馮家灣四十里至會同哆南八十  
里至樂會博敖屢被寇害其為要地更當備守八十里  
至萬州郡鹿港那鹿出外洋有南北二澳賊船常於此  
取水四十里至大塘灣六十里至舊陵水三十里至牛  
頭嶺突出海口六十里至桐柏栖監水港六十里至黎

菴港四十里至琅琊山六十里至榆林港常有賊舡寄  
泊遇警便於各處防之惟三亞一港東至萬州西達昌  
化東南風發時有大泥諸番沿海登岸搶奪濱民最宜  
防守

三亞一百二十里至崖州大蟹保平二港上一百二十  
里有黃流抱駕二港六十里至鶯歌嘴數十里至吉家  
灣八十里至感恩深田灣又八十里至北黎港三十里  
至魚鱗洲皆屬三亞信地距昌化英潮有百里焉

府城西去七十里曰澄邁石躑深廣可泊舡約五十里  
至馬袅三十里至石脾又百餘里至臨高縣博頓港有

卷一百一

廣東六

二

兵舡防於此百餘里至儋州洋浦三牌石海口入新英  
港港口有二沙磧不識水道則壞舟泊舡雖穩便但聞  
警出舡不及故海上多故須輪哨舡時出海口瞭守亦  
瓊郡之腰絡不可疏備者也南去約八十里至海頭港  
兩岸石壁難以進舟一百里至烏泥港逼昌化城又三  
十里至英潮灣俱賊舡出没處

按瓊郡州縣俱附海濱周回數千里時有倭寇番舡  
之警又設東西二路左右前司守哨防守策應而統  
領於白沙寨兵家所謂星布棊置之勢况加以天塹  
之險第夷情叵測風波靡常尤當於衝要處整飭兵

舡精選器械查詰墩堠巡察海道始可保孤嶼之金湯也故特詳之於篇以備防海者採焉

諸黎村崗

瓊山黎東曰清水崗今為東黎都南曰南歧南榔南虛環鄉南坤居采嶺平沙灣居碌居歧崗南歧七崗今為西黎都惟沙灣三崗尚稱生熟黎叛服不常沙灣崗自平黎馬屎復向化當差

澄邁黎南曰南黎今為一都二都水土平善西曰西黎今為一都終都尚囿於風氣時出為害

臨高黎崗大率有八曰墳營曰坡頭曰那律曰番吉曰

卷三

廣東六

三

路遶曰番溪曰松栢曰重遠入洞皆以番豹山為險祇容一人入過此十里則西至重遠坡透等崗東至番溪等崗南至番洒等崗時出為害

定安黎南曰南閭崗去縣三里地夷曠民樂居之見充里

甲惟光螺縣在西南四百里思河縣在東南二百里原係黎崗出沒之

衝時為民患

文昌黎曰斬脚崗治平已久田地經常入有司特人丁尚屬土舍隨軍聽調而已附崗地多險阨為瓊文定會遊賊往來之區

樂會黎曰縱橫崗去縣四百里北接思河光螺南接萬州青

山聲勢相依馭失其道嘯聚焉

儋州黎視諸處最蕃昔梁隋間儋耳歸附者千餘尚詣此今生熟凡五都曰花驛曰黎附曰順化曰來格曰來王宏治五年招至桐橫一處嘉靖九年招至修途竹松番洋下臺郡 大落影打爽水頭八處東黎屬土舍尚首郡嶺南黎屬州部領其餘自耕食不屬州

昌化黎散處山谷不相統攝與民雜居不為寇害舊有土職二員以招黎為名而既歸有司遂不復領於土舍萬州舊有民黎九都熟黎九十三村西南則鸚鵡啼崗去州一百二十里與陵水黎亭等尚潛通北則龍吟崗去州五十里

卷五

廣東六

四

與思河縱橫二尚潛通不復領於土舍時出為患

陵水黎北有黎亭

去縣二十里

南有嶺脚

去縣三十里

嶺脚由葫

蘆門而止黎亭由黎羅而出又有東北哨有大牛嶺小牛嶺為往來必由之路黎人時出遮道為寇

崖州黎其地多於州境其人十倍之分東西二界生熟半熟三種屢為害而州之戶口日耗凡百徭編取給諸縣膏腴田地盡為黎有羅活千家為甚德霞抱顯次之感恩縣附版籍者什九不附者什一與民雜居無他志患在崖之生黎切近出没孔道有二一自峩茶總路分八陀與必改一自涵麻嶺總路分入嶺頭白沙時出為

民患

論曰黎崗內抵五指外界州縣者不可勝計此乃其大較耳自梁馮洗氏收降千餘崗唐廉訪使諭五州首領親詣其境則當時之道之遠可知至宋末武畧不競兵戈梗道復借途浮海丁謂所稱再涉鯨波是也迨明初天戈所擣直欲逕穿五指而瓊文洞落多齊編民獨瓊儋諸黎逾越省地其故何哉蓋自永樂以來以撫黎職之士人借撫為名奪我熟黎觀儋州地驛首役遂致南蛇之亂崖州舊置分轄起於土舍之奸如附郭董平三番為黎邢陳三土舍分營故梁之崖州隨之延德唐

卷五

廣東六

五

之落場落屯縣宋之盛德堂諸基皆設於今黎崗中寢可知矣間有念王土者未嘗不披輿圖而抱恨也以故洪武時指揮張庸繼欲開五指縱橫之路及邵宗李貴之徒亦塵長慮即成化時副使涂棊德意尤殷使後居其位者以前人之心為心黎庭開道寢食在念則古之書村書崗者今皆為都為崗矣 天順中感恩令羅鉉賣黎崗於婁鑑宏治末備兵使者副使王 貪賂邀功賣久化之編崗歸附固之士孽致開後來者黎之尾大吁可惜也

瓊山縣營新舊凡十三堡砦

達子營 民壯營 揚威營 振武營以上四營今廢 揚武

前營即浙營以 張隘山營 黃嶺營 藤寨營 分

踪營原名南 大坡營 大定營即大 大會營在

即馬屎 水蕉營 紅花堡 藤岩堡 望樓堡 白

沙岩 澄邁縣砦二營七

永靖 保義 分哨後營 籬謹營 營所 籬藏

判壅 屈便 定全營

臨高縣營八

分哨後營 那零 屯建 南畧 獨本 羅壯

郎 居啼三營俱嘉靖初建後廢今移南畧營於此

卷五

廣東六

六

定安縣營十一

鹿窟 畱平 南斗 黃竹 南閩 南倫 坡田

大葵 楓本 太平 五嶺 石盤

文昌縣營八堡二

白廷架 馬欖坡 赤岸 木欄 銅鼓 港門 撮

威左營 教場分營 舖前 揚橋堡

會同縣營二堡

永明左營 清平營 馮家堡

樂會縣營二

分哨左營 猪母營

儋州砦二營十七

歸姜 田頭 揚威後營 保吉 墳壤 蓬虛 七

坊 南巢 松柏 腰西 大羅 催羅 可墨 槎

鶯 那大 樂化 日南 清寧

昌化縣營一堡三

烏泥營即分哨後營 吉家 魚鱗洲 小洲塘

萬營新舊十二堡四

新潭 蓮塘 揚威左營 貢四 張牙市 五香

太平 南頭 蒲苧 葵根 長沙 沙牛壩 南頭

卷三

廣東六

七

堡 牛塘堡 運塘堡 烏石堡

陵水縣營十二堡四

分哨右營 軍堡 葫蘆門 黎庵 牙狼 鎮南

馭北 絡索 馬驕橋 鴨塘 白茅營 南萬 半

嶺 膺修堡 石賴堡 嶺脚堡 黎亭堡

崖州砦二營十堡十

三亞分砦 連珠砦 揚威右營 牙刀 樂羅

否淺 抱活 羅蓬 半嶺 殘字 牙根 錦卧

千家 抱懷 莪茶 回風嶺 藤橋 樂安營 樂

定葯營 樂平營 深溝堡 郎鳳 多銀 抱拖

郎芒 石梓 高村 山麻 落機 高嶺東 高嶺西 望樓 榆林 多零 回風門

感恩縣營六堡四

分哨右營 莪茶 陀興 必改 南北溝 白沙溝

深田堡 嶺頭 湍麻 縣門

海寇

嘉靖四十五年賊吳平寇昌化五月總兵湯克寬破吳平於崖州擒其妻子十二月賊何喬林客等掠陵水犯崖州

隆慶元年賊曾一本何喬等掠文昌犯臨高陵水十月

卷三 廣東六

八

指揮石子方以計擒何喬 三年七月林客敗死其黨

蘇大李茂等收集餘衆九月犯清瀾殺指揮崔世承

五年八月指揮高卓戰死於煎茶頭 六年賊許萬載

犯澄返圍昌化李茂犯萬州攻樂會漳寇莊苗引倭犯

瓊山文昌李茂降擊倭走之

萬歷二年四月賊林鳳入清瀾殺百戶尉章及軍民二

萬餘人 十七年遊擊沈茂令珠賊供板陳德樂李茂

於盜池誘擒之其黨陳良德及茂家人郡麼等復叛犯

清瀾文昌萬州尋討平之

黎



萬歷二十七年瓊山居林等尙黎首馬屎倡亂定安臨  
高諸黎應之雷廉副總兵黎國耀等率兵三路進攻擒  
之設水會所於馬屎巢穴即木蕉村築城屯田 四十一年  
冬崖州黎抱田羅活等作亂官軍敗績陷樂平營圍崖  
州總兵王鳴鶴督各路官兵并西粵狼兵討平之

吳會期奏議

黎居狼民五之一宜於兵威削平之際開通十字大路  
於其間大約以道里計之自府至崖千里而近自儋至  
萬六百里而遙此四至逕之一也細數之自府至沙灣  
二百里而遙自崖至羅活三百里而近俱爲坦途矣度

卷五

廣東六

九

其中未開通處不過二百里耳官軍屬武官領之民兵  
屬有司領之士兵屬鄉保長領之通力合作相其谿壑  
易其險阻假以數月而瓊崖之路可以黎尙中行矣儋  
萬視此其工則又殺焉四路交達度中建城量地置堡  
就田立屯以攻則取以守則固矣

海瑞奏畧

臣竊觀瓊州黎歧譬之人焉黎歧心腹州縣四肢黎歧  
爲寇是心腹之疾也心腹之疾不除將必浸淫四潰而  
爲四肢之患爲今之計莫若敕羣臣中知識事機力肩  
大任不貪富貴志在功力者以之充兵備副使以專治

黎之任瓊去京師萬里當事請裁或致遲悞設立縣所  
限其大概乘機審勢聽其便宜凡一切招民置軍設里  
建學遷州縣所屯田巡司驛道諸事不許撫按臣等從  
中節制年年借用許其調廣西土兵廣東漢達官軍打  
手值變故許其調用約萬人量撥一次大征銀糧之半  
以充其費三年後考其成功七年稽其變化之效彼得  
專任之柄寬其行事而又功少不寬不遷其官事少不  
効不重其罪欲不盡心力而爲之不可得也

上兵部七事

一黎歧所居之地雖有高山峻嶺而亦多平衍場崗膏

卷五

廣東六

十

腴田地其村崗可立縣所者甚多今據大征勦平及人  
所常行共見者則崖州羅活崗抱顯村感恩古鎮州陵  
水郎温崗瓊山大陂頭營儋州七功崗凡立縣遷縣必  
先置所移屯其不必立所者亦宜撥軍兵數百名防守  
俟黎平後議設其凡陽磨贊二村之間乃東西南北之  
中可立一大縣遷海南衛兵備道叅將府於中使東西  
南北皆可以控制黎歧且與新立縣所爲虎豹在山之  
勢

一感恩土瘠民苦耕作亦非要害可遷於古鎮州會同  
澄邁二縣亦非要害似可遷於附近黎崗

一各州縣巡檢司非要害者皆遷於新立所近地或衝要里社以爲關防

一海南衛所十一所屯田正以防禦寇也今其地附近黎登版籍爲良民久矣屯軍一無所爲可撥其田爲民田遷軍於別營屯田於黎嶺中

一崖州昌化二所在州縣中其旁州縣居民熟弓矢常時皆能自禦海寇無事於本所官軍今若遷崖州所於羅活嶺則去崖州止百里遷昌化所於古鎮州則去縣止七十里內可以制黎岐外可以禦海寇

一黎人獷悍不肯歸化者爲州縣遠欲向化無由并爲

卷一百一

廣東六

十一

奸人所阻隔者亦多今若區處羣黎當先其易而後其難旣得其易輒立縣所則難者欲爲亂而無羽翼我勢旣壯則彼當向化矣

一黎岐歸化當編其嶺首村首爲里長所屬之黎爲甲首出入仍不許持弓矢原耕居田地聽從其便其山林可開墾并絕黎田地招外方無業民耕作結爲里社與黎岐錯居

參將俞大猷圖說

黎岐居於三州十縣之中與吾治地百姓魚鹽米貨相通鷄鳴犬吠相聞出劫擄村最爲便易我兵旣集於谿

來往皆可以通其巢穴無一次不收成功卽今往戮村分其遺類不甚多能據其遺地移吾兵民以雜居之則其子孫耳濡目染於吾民之言語習尙皆可化爲百姓矣惜乎自古以來皆上首功於賊勢方張之時而不能駕馭於摧敗之後能捐大征之財數十萬於賊未平之先而靳經畧之財數萬於善後之際彼其長養積聚之久復如前日之盛一有激復聚爲亂仍動大兵以勦之費用之多殺戮之慘元氣之傷亦其勢之所必至耳本職歷遍各崗備覽形勢曉諭各黎熟察其情果見近經勦地方如羅活崗宜立叅將府遷崖州千戶所於其內

抱顯村宜增設一縣古鎮州宜立屯所各有絕黎田地以收勦平之功仍各築城穿池以垂永久之規又各未經勦黎崗合先區處以杜後日之患於儋州之摧抱村官遷鎮南巡檢司又撥儋州千戶所官一員軍一百名陵水之嶺脚崗宜遷藤橋之巡檢司又撥南山千戶所官一員軍一百名瓊州之沙灣宜新設一巡檢司及撥南海衛官一員軍一百名各協鎮之以弭其將來之變仍各築城穿池以爲他日立州縣之基又各城池之中俱蓋叅將衙門以便周流巡視若夫大路宜通者則南北取直徑徑設驛遞以便官民往來又羅治城宜暫

團打手五百名摧抱嶺脚沙灣城宜暫團打手二百名各於鎮壓之中寓招徠變化之術間有梗化不馴之徒相機設計去一二村以警其餘五年之後事宜已定漸次掣其土舍行令更爲里長該管黎人就編屬之以爲甲首納糧之外不得再加差役其各州縣掌印官務將管下黎人嚴禁童女不得如前披髮文身男人務著衣衫不得如前赤身露腿其首各要加帽扎網不得如前簪髻倒頭各村黎童之幼小者設社學以教之使其能言識字每一年間守巡守於各州縣查考變化各熟黎幾村招撫生黎爲熟者幾村具呈撫按衙門以爲殿最

如此經畧漸次舉行熟黎旣不得倚生黎以爲禍土舍亦不得假熟黎以生奸不數年間皆登州縣之版籍矣

嘉靖四十三年廣東御史龐尙鵬撫處濠鏡澳夷

疏

竊惟廣東一省西北聯絡五嶺東南大海在焉蠻夷雜居禁網疏濶山海之寇嘯聚不時詩曰迨天之未陰雨徹彼桑土綢繆牖戶夫智者鏡幾以先圖勇者乘時以自固此何時也而諉之曰陰雨未至可乎臣生長海邦習聞已久除倭夷山寇出沒擾攘見其經畧者臣不敢瀕濱外謹摘其禍切門庭履霜堅冰者著爲論列 效

詩人桑土預徹之義惟 陛下試垂聽焉廣州南有香山縣地當瀕海由雍麥至濠鏡澳計一日之程有山對峙如臺曰南北臺卽澳門也外環大海接於牂牁曰石峽海及番夷市舶交易之所往年夷人人貢附至貨物照例抽盤其餘番商私賣貨物至者守澳官驗實申海道聞於撫按衙門始放入澳候委官封籍抽其十之二乃聽貿易焉其通事選漳泉寧紹及東莞新會人爲之椎髻環耳效番衣服審音每年夏秋間夷舶乘風而至往往止二三艘而止近增至二十餘艘或倍增焉往年俱泊浪白等澳限隔海洋水土甚惡難於久駐守澳官權

令搭蓬栖息待舡出洋卽撤去近數年來始入濠鏡澳築室以便交易不逾年多至數百區今殆千區以上日與華人相接濟歲規厚利所獲不貲故舉國而來負老攜幼更相接踵今築室又不知其幾許而夷衆殆萬人矣詭形異服瀰滿山海劍鉞耀日火炮震天喜則人而怒則獸其素性然也奸人則導之陵轍居民蔑視澳官漸不可長若一旦豺狼改慮不爲狗鼠之謀不圖鎬鉞之利擁衆入據香山分布部落控制要害鼓噪直趨會城俄傾而至其禍誠有不忍言者可不逆爲之慮耶議者欲於澳門狹處用石填塞杜番舶潛行以固香山門

戶誠是也然驅石塞海所費浩煩無從取給舉事當待何時或欲縱火焚其居以散其黨爲力較易然往年嘗試之矣事未及濟幾陷不測自是夷人常露刃相隨伺我動靜可復用此故智耶議者又欲將澳以上雍麥以下山徑險要處設一關城添設府佐官一員駐扎其間委以重權時加譏察使華人不得擅入夷人不得擅出惟抽盤之後驗執官票者聽其交易而取平焉是亦一道也然關城之設勢孤而援寡或變起不測適足以爲桀驁之資豈能制其出入乎安邊者貴消禍於未然懷遠者在伸威於旣玩臣愚欲將巡視海道副使移駐香

山彈壓近地曲爲區處明諭以朝廷德威厚加賞犒使之撤屋而隨舡往來其灣泊各有定所悉遵往年定例如或徘徊觀望卽呈督撫軍則親臨境上慰諭而譬曉之必欲早爲萬全之慮而後已若以啓衅爲憂則禍孽之萌亦當早見而預待之况有舊澳見存皆以耳目所親見聞者彼將何人執怨乎番舶抽盤雖有一時近利而竊據內地實將來隱憂黨類旣煩根株難拔後雖百其智力獨且奈何或謂彼利中國通關市豈忍爲變孰知非我族類其心必異此殷鑒不遠明睹未萌况已著乎急則變速而禍小緩則變遲而禍大惟督撫軍門加

意調停從議酌處毋逆其向慕中國之心就於通事中擇其便給者優以殊格使掉其舌鋒爲說客開示禍福以陰折其驕悍之烈自後舡入境仍泊往年舊澳照常交易無失其關市歲利復嚴布通番之令凡奸人之私買番貨畔民之投入番舡及畧賣人口擅賣兵器者悉按正其罪俾人皆知有法之可畏而不敢爲射利之徒區畫既定威信潛孚皆往年所以禁制而防禦之者悉遵舊例施行諸夷自將馴服而默奪其邪心卽禍本潛消 伏乞勅下該部覆加詳議轉行督撫衙門叅之與論酌以時宜如果臣言可採卽便舉行此豈獨嶺海一

卷百

廣東六

六

隅之福實宋社無疆之福也或有爲臣私憂者謂事關地方休戚今海島晏然恐無故而發大難之端誰執其咎建言者殆禍不旋踵矣臣竊念督撫重臣威名動夷夏每孜孜焉爲海邦萬世計熟思詳處已非一日若不及今早圖將來孰有能任之者臣揆諸專勢如此若復有所顧忌緘口待時是徒計一身之利害而忘全省之安危視天下爲一家者恐不若是也此臣所以披瀝盡言不敢卷舌藏聲坐殆滔天之禍

語音州城惟正語村落語有數種一日東語又名客語似閩音一日西江黎語卽廣西梧州等處音一日土軍



語一曰地黎語乃本土音也其儋崖及生黎與蠻獠等一語又各不同或間雜胡語若今呼小帽為古邏繫腰為答博是也

夫瓊中國外境也大海是環番夷四達廣袤三千餘里西南雄郡無逾此者且邊海之饒見稱往古史記楊越多珠璣犀玳瑁果布之湊韋昭曰果龍眼荔枝之屬布葛布也

風潮雖異而氣候無惡方輿志周歲皆東風寰宇記云瓊諸之潮半月東流半月西流而潮之生隨長短星不係月之盛衰

卷百

廣文

七

漢人所謂鱗介易我衣裳者豈其然乎隋唐之際馮詵內屬荒梗之俗為之一變迨明興聖諭稱為南滇奇甸有華夏之風御製文集勅勞海南武臣曰南漢沿潮中有奇甸數千里又諭海南臣民曰海南習禮義之教有華夏之風

自是異臣繼出名滿神州至誠前知信有徵矣愿惟俚尚盤據腹心而我之控制反在其外生熟雜糅屢為榛梗元時倭寇海南盡陷止餘瓊耳

欽總哨下哨官一員督舩二十一隻扎白沙營哨官一員督舩六隻扎舖前哨官一員督舩二隻扎石

陵港哨官一員督艇六隻 北清瀾港俱守正北面  
左司分總哨下哨官一員 督艇三隻扎博鰲港哨官  
一員督艇六隻扎桐栖港 俱守正東面 前司分總  
哨下哨官一員督艇七隻 扎三蠻港又艇四隻扎保  
平港俱守正南面 右司分總哨下哨官一員督艇  
二隻扎英潮港哨官一員 督艇四隻扎新英港哨官  
一員督艇一隻扎博頌港 俱守正西面

砦五

瓊山寨曰白沙見兵

澄邁砦曰永靖在陳陽都曰保義在新安都

卷三 廣東六

六

崖州砦曰三亞曰連珠在回頭嶺

營五十七

瓊州營曰揚威前營見兵曰黃嶺曰藤砦曰南坤曰大

攻曰大定見塘心營

澄邁營曰分哨後營見兵曰定全兵五十

臨高營曰分哨後營見兵曰南定在番豹山黎三百名更番戍之曰獨

本在縣南

定安營曰南斗在南雷曰黃竹在會同分界曰南閣曰

五指珠崖最稱險惡文昌萬州尚易馴制特以諸邑營

制浸成廢地怨其趨起耳治邊諸夷已為諸夷觀望名

有面實亡者不獨瓊營爲然也嘗聞珠崖之廢起於髮  
髡應劭風俗通曰珠崖之廢起於長吏觀其好髮髡  
以爲髮

方今香蠟藤葛皮毛齒革取辦於瓊者不一故齊民腹  
背受敵而息肩無由柔遠能邇盍預圖之

瓊州府

兵額

瓊崖叅將部下營兵 中軍員役八十三 前營五百  
五十八 扎瓊州府城并輪守防黎各營 左營四百  
七十二 派守定安文昌會同樂會萬州清瀾諸城

卷三

廣東六

九

右營三百三十九 派守崖州感恩陵水三城並回風  
嶺後營三百六十八 派守儋州澄邁臨高昌化四城  
異那納營 舖前營二百二十七 防守舖前 防黎  
把總哨兵一千五百 派守毛塘鹿宴塘心畧遠頭平  
金拋太平定全那酌南定那大等處太二營一百四  
十九 防守太平嶺門大破石辣等處 萬州長沙坡  
心營一百一十一 分扎長沙坡心二營

白沙砦欽總部下哨兵 官兵雜役共一千六百七十

南倫民壯二十今曰坡營曰大葵曰金拋即今大坡頭

移五官坡改名萬全曰五嶺土舍兵  
各色把總一兵八十

文昌營曰揚威左營額見兵曰教場分營在縣北一里曰

舖前額見兵

會同營曰分哨左營額見兵曰清平在安定分界

樂會營曰分哨右營額見兵曰猪母嶺在縣北五十里

儋州營曰分哨後營額見兵曰七坊曰南巢曰松栢曰腰

西曰大羅曰催羅曰可墨曰槎鶯上八營各旗軍五黎兵三十

富化營曰烏泥即分哨後營旂兵七十

萬州營曰揚威左營額見兵曰貢田曰張牙市曰五香曰

太平曰葵根曰長沙額見兵曰沙牛壩

陵水營曰分哨右營額見兵曰軍堡曰葫蘆門曰黎庵曰

卷三

牙狼四營俱清曰南萬官兵二十

曰牛嶺弓兵二十七

崖州營曰揚威右營額見兵

曰迴風嶺有營

感恩營曰分哨右營額見兵

曰莪茶曰陀興曰必改

堡十一

文昌堡曰揚橋

會同堡曰馮家

昌化堡曰吉家曰漁鱗洲曰小洲塘

萬州堡曰南頭曰牛塘曰蓮塘曰烏石

崖州堡曰榆林旂軍七十五

感恩堡曰縣門儋州所軍一百

冒起宗陽電山海信防圖說

陽電地方北枕山南面海東接廣肇西通雷廉蓋嶺西三郡之咽喉也水陸迂回不下二千里粵稽祖制神電一衛以及陽江海朗雙魚寧川四所皆附於邊海又設新興陽春信宜高州石城五所皆附於邊山水陸犬牙相制有司從中協守亦一尉一吏之意哉而泄泄至今日僅存其名矣試言陸信北自新興捻村兵營接藍坑

卷五

廣東六

十一

營交界起東自恩平官來逕接新會信界起歷狼琦營而西抵石城之高嶺營與雷廉接界止郊洞遼曠叢陰莽薄計程一千二百有餘里設有恩平陽電高州吳川四兵營分布信防據險扼吭此則陸信之大畧也以水信言之東則自廣海秦茫州接界起西至白鴿寨瓊州交界止汪洋瀚海寇盜出沒計泚凡三百里設有海朗雙角限門蓮頭四水砦扎船分守扼要哨防此則海防之大畧也蓋海廣則隙多地廣則險眾也近年兵額日縮餉額日虧缸額日減軍額日缺雖規制如初而迹類象人塗馬所謂指臂使而首尾應者則茫乎未之講也

又肇屬山海圖說

肇屬自新興而下彌望荒蠻烟炊寥落北自捻村兵營起至石井營而抵恩平縣則百三十里東自官來逕至靖東營而抵恩平則八十里地當新會新寧之夾山賊肆出探掠非嚴兵防禦地方無安枕之期若馬岡倉步開平等處肩寧會而枕封慶尤素稱逋逃藪數邑錯壤土孽竊發雖開平屯額設官兵七十餘名而去縣治則九十里矣議者謂恩陽守備秋冬應移扎於恩平豈無見哉由平南營而東至蓮塘稍平而南至長營凡百二十里而抵陽江縣自縣而南三十里則有海殷崇商賈

卷五

廣東六

三

幅湊塵市星羅越港門而歷銃城則爲北津撫民此所謂大要害也自寨門而東二十里則有海朗所去陽江僅五十里有警呼吸可通第所城孤懸積并與滑民作奸捍網幾如南陽之不可問非嚴約束之會無以破海上接濟之因也山陽江西門歸善營歷麻橋兵桐蚬蛇樂安高嶺平望而西上大墟則爲陽電兵營矣由大墟至儒崗則爲電白縣界矣由儒崗轉折而東上五十里又爲陽江之雙魚寨而所城在焉去陽江一百七十里去電白八十餘里卒有緩急能一呼而卽至哉是爲當事者萬分茲飭務令營若合防軍兵夾道庶謐可稱平

壞而環海可恃爲長城矣

又海朗寨所圖說

按海朗兵冊見在官兵計百五十四員名戰艇一十二隻東接廣海西界雙魚樓艇組練雄踞上游幽然一天塹哉其本港內通陽江陽春等處商賈輳集奸宄易生港中雖設有銃城城設有銃臺三座港門津要似可資控守但港外無臺可抵勢旣孤懸由港門而越銃城卽北津撫民環居之地此輩鷹眼暫化豪氣猶存每以繪艚出海捕魚爲生若邀劫若接濟若勾引未可信其必無也况乎土宄敢於捍網旗軍串青衿子復從而翌之

卷一百一

廣東六

三

哉今協總許三才之事方新應申嚴號令凡漁舟出入朝往暮返不許遨遊逗留致開衅隙此爲救時之第一要著若本砦去縣城二十里去所城二十里所去縣城則五十餘里所軍弱不能支而銃軍少有可用一值汛期督發海朗陸哨官兵爲之犄角庶幾孤懸者不至爲孤注耳

又雙魚寨所圖說

雙魚砦設有砦城一座內置發洩公署及寨署哨捕兵房守險之制亦云密矣兵船一十二隻官兵四百四十四員名左哨孤守雙魚港內通雙魚所城港門兩山對

峙銃臺三座後有東山官兵據險而守賊未敢卒犯也  
去砦八里則有雙魚所城離陽江縣一百七十里離電  
曰縣九十餘里聲援遼遠實為邊海孤城外洋勢難逕  
控覺察責在瞭軍每歲春汛除督發雙魚一哨官兵外  
又例調東西兩山各營其協守所城并一帶海岸若東  
汛則止雙魚一哨虛應故事矣古哨派守豐頭港與海  
朗若接界港內通織菁墟五里許則至太平驛防妖緝  
盜未可刻疏况猶高山夙號盜藪山勢延縣路通雙魚  
信海奸宄窺伺疏防常駕客船藏盜出入相應嚴飭海  
朗會哨分防并以一港為秦越可也

卷五

廣東

五

又高屬山海圖說

自孺崗分界電邑錯壤於是自陽電營官兵接防自太  
墟歷麻總等營皆地當要衝時聞劫掠歷營而西至夏  
藍及麻西營凡一百二十里而抵電白縣南有蓮頭海  
面在焉港門遼濶非他處可比也自東城西出烏石歷  
筋竹夾吳川之那蓬等營南至上廊凡二百五十里而  
抵吳川縣去縣南二十五里則為限門砦港門設有銃  
臺新營設有戍卒乃吳川一哨官兵為之分防也本港  
內通芷芎及梅祿墟皆盜賊不突之區又自電城之烏  
石 苦藤營西至平崗北入高州勒萊營而抵高州府



城乃陽電官兵信地一百三十里也高州而北由狂邏營至淋水營凡八十里抵信宜縣則與廣西之博白陸川爲界與猺獠雜居矣駕馭隄防惟以不疎不擾爲善策焉高州而南自濕田歷樟木等營接陽電兵防而西入化州再歷兵營而至高嶺凡一百三十里西抵石城縣深菁叢林豹虎窟穴非申嚴斥堠不免西賊之衝突自此西下三十里爲大安中火又西去五十里爲橫山徑皆雷州交錯之地地方互相諉卸每致疏虞右西北之廉州三了那網等處以至息安堡官橋紅嶺一帶地方原有高州官兵一哨守之近日又移扎右城過入犯之西賊矣統而論之高郡南控滄溟北負叢菁故大小放鷄蓮頭赤水限門海陵皆高涼之唇齒其新興恩平石城信宜陽春諸邑則高涼之門戶也

又蓮頭寨港圖說

蓮頭港近在電白縣城之南設有銃臺三座戰船一十七隻官兵分防信海東接雙魚西界限門二十餘里左哨則以山厚港爲信右哨則以赤水港爲信各分領兵船五隻而把總官則領兵船七隻扎守蓮頭三港之中蓋以蓮頭港門遼渺無可據也然銃臺雖設僅可近張聲勢無能及遠况港外海洋如大小黃放鷄山博賀清

洲皆環對城南號海洋之最險者議者謂築椿塞港效  
往年故事庶備電城一重之藩籬是矣然而水深港濶  
未易用力且言之易行之難行於有事之日易行於無  
事之日難爲目前計惟應練舟師習水戰勤哨探嚴汛  
防多接糗糧使土兵不敢私家客兵不敢登岸更整備  
快船遇賊必追有警必應何難褫小醜么魔之魄哉今  
點驗大船止存六號一隻七號二隻其餘盡改八號艚  
艚小船矣原其將大改小之意亦欲以櫓楫代風濤捷  
於追擊耳此可角勝於裏海浪平波靜之處非可施於  
汪洋萬頃長年袖手之處也且本寨凡有突犯必係廣

料聯艚大船樓棚高至二三丈艚艚甚小勢不及三之  
一能仰面而擊之哉至於海船火器莫過班鳩銃而現  
在所存者僅一十四門尙不及海雙二砦一船之器計  
非增造五六十門不可議者欲扣本寨官兵之糧以備  
料價針頭削鐵不堪令賊聞也再查本砦官捕兵原額  
四百四十員名而原額不補虛伍充數者居其半卽現  
伍捕兵皆捕魚土人雖習慣不畏風波而窮餒不堪飭  
勵且暮夜歸家擅離汛守誅之不可勝誅今欲一兵得  
一兵之實用非募廣肇習水之客兵不可也若夫岸賊  
則有窩主海賊則憑接濟在電白海濱如蓮白頭蕉南

海山厚等村之民專以捕魚爲業中有一等奸民凡遇有賊在海便輕身投入詐稱被擄使家屬告案假爲勸贈張本公然多運酒精與賊交通使官兵不敢盤詰教獠升木導虎爲俚勾連盤固習爲固然恐非五日京兆所能徹底破除也敢以告後之君子

又限門寨海港圖說

限門之要害兩嶼夾峙厥口水淺屈曲如蜒必俟潮漲舟始放轉數回而後進嶼寨防官兵共四百四十員名戰艇一十七隻以七隻派守本港上接蓮頭下至限門港口東西錯置銃臺四座內通芷芴吳川縣城以及梅

卷百

廣東六

三

祿墟埠並化州高州一帶港門離縣治僅三十里每歲三月中閩贖賊糴數百人如風雨之驟至人井土著奸僞易滋司是港者塞萌杜漸視之如敵人可也右哨領艇僅九隻派防新門接連白鵠寨信海北港去吳川縣九十里內通石城之梁家灘奸宄不時竊發外海猶極汪洋該哨一官猶宜慎選可合闢葺之庸材鑽營之積滑充之哉大都本若據限門之險扼銃城之要大寇未易窺犯經內港導引察外海情形是在得人而已矣

又石城所山海圖說

本所隸石城縣治洪武年間奉調雷州衛後千戶所官

軍鎮守以邑在山崗間淫潦編氓錯壤雜居且使節絡繹商賈征逐爲四郡之通衢故也城之北雉堞遠建於山巔東百里抵化州西百里抵樂安所南七十里抵遂溪北一百二十里抵廣西之博白縣東北九十里抵陸川縣東南一百五十里抵吳川縣西北一百五十里抵廣西之舊林曹村西北百餘里抵樂民所所雖附縣官軍以隔屬相推諉刁疲散漫城守空虛故西賊時時突擾截禦罔聞其東北六十里有曰三合堡者地接博白陸川之邊界猺狼盜賊更番騷動曾設官兵防守旋復掣回遂致乘暇擣虛歲無寧日非仍復堡兵無以杜鴟

卷五

廣東六

天

張也其正西六十里曰橫山堡當廉路之衝遠谷叢林逃亡恃爲淵海又西一百二十里曰吳浦墩近博白縣之邊界狼狽逼處地方土賊構之出劫此皆西隅原守之險要亦有原守之軍兵核實而整頓之則石城之畛固矣此外恭東南之梁家灘壤連遂溪商舩灣泊縣西之凌祿司近枕珠池尤劇盜橫鴛之地因並及之

又寧川所山海圖說

寧川所卽附吳川縣東南瀕海西北負山縣城南去二十五里有限門海港有沙脊兩行自外達內凡二十餘里賊若舍舟登岸步抵芷芎距縣所僅五里許耳縣之

側有墟曰梅祿生齒盈萬米穀魚鹽板木器具等皆立聚於此漳人駕白艚春來秋去以貨易米動以千百許於此墟之富庶甲於西嶺宜乎盜賊之垂涎而歲圖入犯也計本所見在旂軍屯駐郭內者僅二百八十餘名鶉形鵠狀何足爲有無惟合限門爲二禦聯海港之偵巡水陸交防軍民協力耽耽者庶有憚乎

又信宜所山防圖說

信宜所附縣同城設居萬山逼近羅營界連西粵鬱林北流等州縣穿溪絡谷居雜狼狽叢林密菁之間奸徒伏焉旂軍僅三百餘披破甲持白挺弱不堪守無問戰

卷五

廣東六

三

矣故近日屢勦西賊營兵之力居多按正統九年間曾設有狼兵五百九十餘名給官田米五百七十餘石以餉之居以資捍衛行以應征調未嘗不資一臂今逃亡故絕僅存者皆亡命之流孽耳間存真糧一二說者又有非我族類之虞然使撫綏駕馭得其道詎狼心終不可化哉倘更於懷鄉北流之界特設精兵一枝北鞏信宜之藩衛西振石城之聲援外絕狼狽之窺伺內杜奸宄之勾結是在縣所文武協力共圖之耳

又海朗雙魚蓮頭限門四砦圖說

水汎東自廣海砦起西至白鶴寨止合計四砦爲程

共八百餘里沿海置戍雖稱鷓列而所守者不徒在險而在要焉四砦情形業各指其概矣今更合而論之電白蓮頭爲最衝吳川限門次之陽江海朗次之雙魚又次之信地中惟島嶼山灣賊船潛泊如上自海朗則有娘澳大澳海陵賊船澳若雙魚蓮頭則有獨洲青洲大小黃僅放鷄山下而限門則有新門三合窩硯州廣州灣等處皆可扎船賊每寄定其中窺伺貨艘往來卽爲掩襲剽掠之事以故陽電特設一叅將居中調度倘不時申嚴各砦犯哨務令兵不離汛更選備堅整快船數隻多設杠榜銃器精選慣歷波濤善搖擄請放銃之目

卷五

廣東六

三

兵共五六十名一遇賊警卽飛駕出洋衝鋒追截而各兵船復合力夾攻之賊未有不披靡就擒者固封疆以安堂奧其在廉勇之將領乎

又恩平陽電高州吳川四營圖說

八信四營官兵分防兩郡要隘通計一千二百餘里法兵無所不分則備盡不寡今每營多者一隊少者止三四名以之當集擊不突之賊來不能禦去不能追徐徐蹣跚其後而已矣然一二小醜在在有之又未可以噎廢食也今查恩平之東如見岡官來運一帶北如田心樓運一帶俱與新會新寧錯壤賊以羅漢山爲窟

穴官兵不敢越界窮追相應詳請督府分撥標下精勇官兵百名屯扎東路之要地遇有警報扼截歸巢逆兵夾攻一鼓成擒矣其在陽電之大墟麻總等營一帶路通陽春百足大山盜賊潛迹伏劫悉由遙口其聚眾糾黨則團扎龍高山其假牧牛爲名入山裹糧接濟者則附近之土人也此應責成陽江縣嚴行保甲杜塞盜萌而又於太平等處屯兵百名扎扼百足山徑之出入南可斷龍高山之屯聚矣此外如分營置防戰小醜而張聲援次而高州營次而吳川營寨布已周毋容置喙又神電衛所官軍圖說

明初開郡設衛立縣置所合陸海而犬牙相制有深意存焉承平日久軍衛廢馳至於今而敵壞極矣查神電一衛原額旅軍四千八百餘名僅六百六十有五高州陽江等所每所一千一百或二百名僅各存一百五十或二百餘最多者亦不過三百莫可究詰矣今以邊海五衛所言之海朗雙魚偏守一隅防禦情形已載二砦圖說至於神電陽江寧川皆附縣城頃閱陽江所軍鶉衣百結無異乞兒神電衛皆豪右包充名存實缺甚則子衿攬買糧米印官莫敢誰何嗷嗷窮卒歲無粒糈充腹上下欺蒙三尺不按可謂非吾輩之咎乎其附山五

所若新興尙當要道若高州猶近郡城或可以恃無恐他如陽春州城之一所設居萬山中去電白且三百餘里天台等處土完嘯聚每從百足山連口出入肆行劫擄一遇官兵卽走入百足內兔脫矣其出而號召卽皆團扎於陽春之龍高山中也陽春雖設官兵一哨哨官轄於有司不受營將調度相應請撥肇標勁兵五十名扼駐太平聞警卽由捷徑疾趨至百足徑口則賊之歸路絕矣以上衛所皆附山邊海嶺表要區當事者宜極力整刷何難漸奏救寧而前人雖之後人今日俟之明日可爲長太息也

又北津撫民協總圖說

北津卽今海朗砦港也先令海賊許恩受撫因令插住港口海岸且耕且漁復給其子許應舉以協總名色書以統馭撫民協守北津原議遞年將自造料舡並漁舡共十隻日只二百名任守賊舡澳海面口糧以出汎日起支收汎日止此澳孤懸大海中係雙魚砦信地賊舡每拋札其中故以習慣之撫民守之邇來撫民官亦久不到汎海賊有無之情形亦無一字具報浸尋成故事矣但撫民一枝善烏銃出入蛟宮蜃宅若平地合宜申責成令之備舡練兵出洋守汎不時偵報一遵受撫



之初議不則治以弛防梗令之罪無少貸野心狼子庶  
不至以萬頃爲三窟矣

天下郡國利病書卷百二終

卷百二

廣東六